

Bosna i Hercegovina
Federacija Bosne i Hercegovine
Kanton Sarajevo
Općina Ilijaš
OPĆINSKI NAČELNIK



Bosnia and Hercegovina
Federation of Bosnia and Hercegovina
Sarajevo Canton
Municipality Ilijas
MUNICIPALITY MAJOR

Služba za prostorno uređenje i stambeno-komunalne poslove

OPĆINSKO VIJEĆE ILIJAŠ

**Odgovori na vijećnička pitanja i inicijative sa 35. sjednice Općinskog vijeća Ilijaš
održane dana 24.11.2015.godine**

Ilijaš: Decembar 2015.godine

126.Ilijaške brigade 6. tel: centrala (+387 33) 580-620

Centar za dozvole: 033-580-664

Odsjek za prostorno: 033-580-663, fax: 033-580-670

Odsjek za stambeno komunalne poslove: 033-580-669, 033-580-672



209388

MUAMERA MASNOPITA – vijećnica SDA

Inicijativa: "Na putu od raskršća za Brezu do Ljubničkog mosta pojavio se problem za kretanje pješaka. U proteklom periodu iskopan je kompletan trotoar od raskršća za Brezu do mosta na Stavnji. Oštećen je i put. Ugroženo je kretanje pješaka. S obzirom na vremenske uslove ne vidi se da se da se ovo može riješiti u skorijem periodu, a pogotovo ne kvalitetno. Mi želimo da se to riješi. Ovdje se postavlja i pitanje da li postoji dozvola za kopanje trotoara, te za priključenje velikih odvodnih cijevi u rijeku Stavnju?"

Odgovor: Ministarstvo saobraćaja Kantona Sarajevo – Direkcija za puteve, zatražilo je od Općine Ilijaš, Služba za imovinsko-pravne poslove, geodetske poslove i katastar, označavanje granice privatne parcele, na kojoj je izgrađen objekat "Hollywood", u odnosu na regionalni put, u Podlugovima, radi izvođenja radova na rekonstrukciji raskrsnice regionalnih puteva R-445 i R-444, te izgradnje priključka za kompleks poslovnih objekata čiji je investitor "EDEKA" d.o.o. Sarajevo. Izvođenjem gore navedenih radova bit će riješen problem kretanja pješaka na dijelu predmetnog lokaliteta. U saradnji sa Ministarstvom saobraćaja Kantona Sarajevo – Direkcija za puteve, pokušat će se naći rješenje za kompletnu dionicu od raskrsnice za Brezu do mosta na rijeci Stavnji.

SEAD ŠEHIĆ – vijećnik SBB-a

Inicijativa: "Pokrećem inicijativu prema nadležnoj općinskoj službi da izvođačima radova na zimskom održavanju puteva općine Ilijaš naloži i čišćenje samih trotoara.

Obrazloženje: Svjedoci smo da se već prvi snijeg od cca 5cm pokazao kao veliki problem na saobraćajnicama općine Ilijaš. Naime, snijeg koji je čišćen sa saobraćajnica, nabacan je na trotoare, tako da smo prvi naredni dan mogli vidjeti da se pješaci više kreću saobraćajnicama, nego trotoarima koji su namijenjeni za pješake. Razlog je što su trotoari bili prepuni snijega, te samim tim dolazi do ugrožavanja svih učesnika u saobraćaju. Molim nadležnu općinsku službu da nesavjesnim izvođačima radova na zimskom održavanju puteva skrene pažnju, te ih upoznaju da su i pješaci učesnici u saobraćaju, i da se oni moraju kretati ulicama Ilijaša.

Odgovor: Čišćenje trotoara za sezonu 2015/2016 planirano je da se vrši po potrebi.

NIJAZ MAŠIĆ vijećnik SBB -a

Inicijativa: Na zahtjev stanovnika MZ Mrakovo i MZ Podlugovi opet pokrećem inicijativu prema nadležnoj općinskoj Službi da se sanira prekop puta u MZ Mrakovo kao i nasipanje tzv. bankina pored puta, na dionici od skretanja za Vratušu pa sve do kontejnera.

Obrazloženje: Želim da Vas podsjetim, ista inicijativa se pokretala na majskoj i oktobarskoj sjednici OV-a Ilijaš. Nažalost, u oba slučaja je bio isti odgovor, da izvođači radova koji su vršili prekop puta nisu poznati. Stoga Vas molim da se izađe na teren, utvrdi činjenično stanje, te da se naspu tzv. bankine na pomenutoj dionici puta, jer prilikom prvih ozbiljnih sniježnih padavina neće biti moguće ni čišćenje ni mimoilaženje automobila, jer se nasip pored puta pretvorio u blato.

Shodno čitanju mišljenja Komisije koja je izlazila na teren na ovoj istoj dionici, želim napomenuti da se ubrza iznalaženje rješenja za problem koji se tiče suženog i zatrpanog kanala otpadnih voda kako stanovnici ovog naselja ne bi strahovali od nadolazećih padavina, jer evo jutros skoro pa se voda iz kanala izliva.

Odgovor: Obilaskom terena dana 10.12.2015.godine konstatovano je da su u toku radovi na postavljanju ptt kablova i da se po završetku radova može pristupiti vraćanju u prvobitno stanje.

BESIM GLJIVA – vijećnik Stranke za Srednje

Inicijativa: "Pokrećem inicijativu da nadležna općinska Služba izvrši obilazak putne komunikacije Srednje-Šići koja je u veoma lošem stanju i preduzme mjere na sanaciji iste. Takođe i put Gajevi-Dragoradi je neophodno temeljito snimiti, jer su teški kamioni sa prikolicama isti u najvećoj mjeri uništili.

Odgovor: Nadležna Služba je izvršila terenski obilazak, problem sanacije ovih puteva je prisutan duži vremenski period, obzirom da eksploataciju šume sa tih područja vrše kamioni prekomjernog osovinskog opterećenja koji prouzrokuje oštećenje(uništenje) kolovozne konstrukcije. Inicijativa je dostavljena KJP "Sarajevošume" Sarajevo, međutim na ove inicijative, iz ovog preduzeća, uopšte ne dobijamo odgovore.

AKIF BEŠLIJA – vijećnik SBB-a

Inicijativa: "Pokrećem inicijativu prema nadležnoj općinskoj Službi da se od naredne sjednice OV-a Ilijaš uvede praksa, da na svim sjednicama po tački dnevnog reda "Vijećnička pitanja i inicijative" obavezno prisustvuju urbanističko-građevinski i komunalni inspektor općine Ilijaš.

Obrazloženje: Poznato nam je da na svim sjednicama OV-a Ilijaš imamo puno vijećničkih inicijativa i pitanja iz nadležnosti urbanističko-građevinske i komunalne struke, te stoga bi bilo djelotvorno da gore navedena stručna lica prisustvuju na izvoru inicijativa i pitanja kako bi odmah poduzimali mjere iz njihove nadležnosti, a koji su zakonom propisani.

Odgovor: Prihvaćena inicijativa

NAPOMENA: U prilogu dostavljamo odgovore koji su pristigli iz Direkcije za puteve Kantona Sarajevo.

Služba za prostorno uređenje
i stambeno komunalne poslove

126. Ilijaške brigade 6. tel: centrala (+387 33) 580-620

Centar za dozvole: 033-580-664

Odsjek za prostorno: 033-580-663, fax: 033-580-670

Odsjek za stambeno komunalne poslove: 033-580-669, 033-580-672



209388